

Svæðisráð austursvæðis Vatnajökulsþjóðgarðs 86.fundur – 7.júní 2017 á Skriðuklaustri.

Mætt: Ruth Magnúsdóttir, Jóhann F. Þórhallsson, Björn Ármann Ólafsson, Þórhallur Þorsteinsson (ÞÞ) og í síma Einar Kr. Haraldsson. Agnes Brá Birgisdóttir þjóðgarðsvörður sat fundinn. Fjarverandi Steingrímur Karlsson.

Formaður setti fundinn 17:15

Dagskrá:

1. Dagskrá fundar og undirritun fundargerða
2. Drög að stjórnunar og verndaráætlun (SVÁ) - afgreiðsla
3. Gjaldtaka í þjóðgarðinum - umræða
4. Erindi frá félagið hreindýraleiðsögumanna - afgreiðsla.
5. Samstarf við norðursvæði - kynning
6. Skýrsla þjóðgarðsvarðar
7. Önnur mál.

1. Farið yfir dagskrá fundar og undirritun fundargerða.
 - a. Svæðisráð fagnar því að Snæfellsstofa hafi loks hlotið fullnaðarvottun hjá BREEAM – og að ferlið sé loks í höfn.
2. Stjórnunar- og verndaráætlun: Svæðisráðsmenn sendi minniháttar athugasemdir á þjóðgarðsvörð.

Svæðisráð gerir alvarlegar athugasemdir við að ekki sé hægt að sjá textabreytingar inn í skjalinu. Búið er að breyta orðalagi víða, t.d. texta um tjöldun/gistingu og vetrarakstur. Mikil vinna fer í að bera skjölin saman. Svæðisráð ítrekar að það komi skírt fram að vetrarakstur sé leyfður á snævipakinni og frosinni jörð í þjóðgarðinum nema þar sem annað er tekið fram og vísar til kafla 7.7.6 þar sem fjallað er um leyfð vetraraksturssvæði.

Svæðisráð gerir athugasemdir við setningu í kafla 5.2.1 „Þjóðgarðurinn virðir lög- og kjarasamningsbundin kjör og réttindi starfsfólks.“ Svæðisráð veltir fyrir sér hvort þurfi að taka þetta fram? ÞÞ bókar að ef sú setning sé inni þá þurfi að bæta við setningu um að „Fastir starfsmenn þjóðgarðsins fari eftir Stjórnsýslulögum“. Svæðisráð bókar að undir Meginstarfsstöðvar þurfi að bæta við nýrri starfsstöð á Fljótsdalshéraði.

3. Gjaldtaka: Miklar umræður um gjaldtöku. Svæðisráð lýsir yfir skilningi á því að afla þurfi tekna með tímabundinni gjaldtöku þar sem opinber framlög duga ekki til rekstrar. Svæðisráð leggur áherslu á að gjaldtakan verði samræmd og vinna þurfi að framtíðarstefnu sem byggji á rannsóknum og reynslu annara þjóða. Svæðisráð leggur til að skoða megi þá hugmynd að útfæra eitt bílastæðagjald fyrir allan þjóðgarðinn og þá megi leggja alls staðar innan hans í ákveðin tíma.
4. Erindi félags hreindýraleiðsögumanna: Veigamikil rök þurfa að koma fram til að breyta reglum um veiðar á Snæfellsöræfum. Bent er á að þær voru settar eftir samráð við

veiðimenn. Rætt um að veita undanþágur með mjög ströngum skilyrðum, og ýmis skilyrði nefnd í því samhengi. Skv. upplýsingum frá Ust hefur veiðikvótinn alltaf náðst á svæðinu.

Svæðisráð þakkar frumkvæðið að umræðunni frá Félagi leiðsögumanna en sér ekki ástæðu að svo stöddu til að breyta reglum um veiðar við Snæfell. Svæðisráð telur jafnframt ljóst að þörf er á frekari vöktun á svæðinu og skráningu á viðveru dýranna innan griðlandsins. Samþykkt með fjórum (RM, JFP, BÁÓ, ÞP) atkvæðum gegn einu (EKH).

EKH bókar vegna erindis leiðsögumanna með hreindýraveiðum.

Lagt er ti að veiðimönnum verði gert kleift að veiða innan griðlandsins með ströngum skilyrðum í undantekningartilfellum.

Tilfelli:

- *Tilfellið þarf að vera þannig að meginhluti allra þeirra dýra sem eru á veiðisvæði 2 séu og hafi verið um nokkurn tíma innan griðlandsins.*
- *Ekki skal veita leyfi einfaldlega vegna þess að önnur dýr finnast ekki.*
- *Til að veita slíkt leyfi þurfi samþykki samstarfsnefndar sem nú er starfandi um hreindýraveiðar, en í henni sitja fulltrú Umhverfisstofnunnar, fulltrúi leiðsögumanna og fulltrúi Náttúrustofu Austurlands.*

Skilyrði:

- *Dagar valdir í samráði við þjóðgarðsvörð, svo taka meggi tillit til annarrar umferðar á svæðinu.*
- *Dagar verði einungis á virkum dögum og ekki meira en 2 dagar í röð.*
- *Krafa skal gerð á að veiðimenn noti hljóðdeyfa, til að minka truflun og umhverfisáhrif.*
- *Krafa skal gerð að öll leit, veiði og sókn sé gerð á fæti. Einfaldlega bannað að sækja á hjóli eða bíl.*

Rökstuðningur:

- *Það er ekki gott fyrir garðinn ef stór hjörð til dæmis þúsund dýr heldur sig þarna vikum saman.*
- *Það er gott fyrir gróður á svæðinu, eða annað dýralíf.*
- *Það er, að ég tel, vont þegar kvótinn stækkar aftur að aðrar hjarðir verði einfaldlega veiddar upp.*
- *Það er vont til afspurnar ef veiðimenn sem koma austur á firði og hafa keypt veiðileyfi af íslenska ríkinu, sitji á línunni og horfi á dýrin en sé meinað að veiða þau af hinu sama stjórnvaldi. Eina sem slíkt gerir er að auka á úlfúð og minna menn á þau loforð sem voru gefin við stofnun garðsins.*

Felligjöld:

Felligjöld eiga að greiðast egna ágangs veiðimanna og hreindýra. Fáí garðurinn felligjöld af þeim dýrum sem eru veidd innan hans, þá myndi það hugsanlega hvetja til enn frekara samstarfs við veiðimenn.

5. Kynning á samstarfi við Norðursvæði um utanum hald landvörslu í Krepputungu og Möðrudal. Svæðisráð leggur áherslu á að samstarf sé gott og gilt en það breyti ekki þeirri staðreynd að þörf sé á heilsárs hálendisfulltrúa á austursvæði og lítur á verkefnið sem tímabundið þar til fjármagn fæst fyrir nýjan heilsársstarfsmann á austursvæði.

6. Skýrsla Þjóðgarðsvarðar. Þjóðgarðsvörður fór yfir það sem er efst á baugi á austursvæði um þessar mundir.
7. Önnur mál:
 - a. Umræða um felligjöld hreindýra innan þjóðgarðs -umræðu vísað til næsta fundar.
 - b. Vöktun í Hvannalindum - Ljóst er að samstarf við NA um úttekt á gróðri og ástandi í Hvannalindum er kostnaðarsamt. Þeir fjármunir eru ekki á lausu. Þjóðgarðsverði falið að kanna möguleika á öflun styrkja í verkefnið .
 - c. ÞP lýsir yfir áhyggjum á skipulagsmálum innan þjóðgarðsins.
 - d. Næsti fundur svæðisráðs er áætlaður í september.

Fundi slitið 19:20

Ritað af ABB